



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 41. Imbellicum illius regimen.

---

[urn:nbn:de:hbz:466:1-66293](#)

finum, multasque arces alias rebellibus <sup>Sæcul. XV.</sup>  
ademerunt. Sub finem Octobris Papa A. C. 1409.  
Pisis funesto morbo foedari coeptis Pisto-  
rium, dein Bononiam venit.

## §. XLI.

*Imbecillum Alexandri regimen.*

**C**ardinalis Balthasaris Cossæ consilia, vel  
potius imperia omnino sequebatur  
Alexander. Per sui pontificatus curri-  
culum emendabat nihil; placere omnibus  
studebat; & vix aliquid cuicunque pe-  
tentí denegare poterat. Ita, ex quo Pa-  
pa fuit, amplissima curiæ suæ munera  
depressit, ac sine necessitate ulla multipli-  
cavit, postulantium importunitati cedens.  
In beneficiis conferendis prodigus nec dif-  
ferentiam hominum, nec formulas ordi-  
narias, cum gratias concederet, respi-  
ciebat, rerum agendarum usu carens.  
Et vero Theologum, ac Oratorem sacrum,  
non Jurisperitum suisse illum cernimus.

Causidicorum actiones in senatu pu-  
blico alii Papæ saepenumero auscultave-  
rant; ipse rarissime audiebat. Interdum  
libellis supplicibus sibi traditis alios sub-  
scribere nomen jubebat suum; & suppli-  
cationum suo chirographo munitarum in-  
dices in addictos sibi Clericos per se  
ipsum distribuebat: cum illos Pro-Can-  
cellarius inter litterarum Apostolicarum

*Abbre-*

*c. 51.*

**Æcul. XV.**  
A.C. 1409.

*Abbreviatores*, ut vocantur, pro horum dexteritate, ac fide dispensare deberet. Illi autem Clerici Papæ gratia florentes neutquam erant exercitati his in negotiis, quæ ipsis, ut ditarentur, committebat. Hinc multæ corruptiones veritatis, & fraudes ortæ intra breve tempus, quod tenuit Alexandri pontificatus. Sed qui hæc facta refert, Theodoricus Niemius, cum Romani tabularii ministrum egerit, nonnihil suspectus est de studio sui commodi.

**e. 53.**

Ut idem memorat, Alexander vix electus, ac nondum coronatus varias magnasque dignitates ecclesiasticas dispensavit, cunctisque Cardinalium domesticis, qui eis in conclavi servierant, beneficia, & gratias contulit tantas, & tam insolitas, ut nihil unquam simile auditum fuerit. Atque in albo pro his domesticis confecto, cui chirographum subjectum suum, declaravit se id egisse propterea, quod in conclavi Cardinalibus singulis spoondisset hoc se facturum, si fieret Papa. Ut possiderentur simul beneficia insociabilia, laxabat leges obstupescientibus curiæ sue Ministris peritissimis. Titulos ecclesiasticos nihil pendere videbatur.

**e. 51.**

Fratres Minores, e quorum numero evocatus fuerat, singulari favore prosequens, iis, quibuscum maximam familiaritatem junxerat, assignabat curiæ sue

mu-

munera quæstuosa, quæ plerumque ob-  
ibant viri profani habiles, ac experientes. Sæcul. XV.  
A. C. 1409.  
Etiam vacuos episcopatus plerosque Or-  
dinis sui fratribus tradere conabatur. De-  
nique 12 Octobris adhuc Pisis commorans *Duboulai*  
edebat litteras, quibus renovabat Reli-  
giosorum Mendicantium privilegia, quæ  
Parochis fraudi erant. Vehementes in-  
de motus Parisina in Universitate orti per  
vernus jejunium sequentis anni.

Haud multo post Regem Ladislauum *Rayn. 1409.*  
pervulgatis litteris perlongis arguebat, n. 85.  
quod tuendo Gregorium, nec ad Pisanum  
concilium veniendo, vel regni sui Episco-  
pos mittendo schisma soverit; Romam,  
Beneventum, Perusiam, pluraque loca  
Ecclesiæ subjecta invaserit; Pisani bel-  
lum intulerit; & concilium dissipare stu-  
duerit. Addebat alia crimina: & in fi-  
ne illum per duos Cardinales ad tribunal  
fuum citari volebat. Dabat Pisis 1 No-  
vembbris; quo fructu, facile conjicias.

### §. XLII.

#### *Errores Joannis Hussii.*

Interim Alexander comperit errorum S. Cochl.  
Wicleffi progressus in Bohemia: quæhist. l. I. p. 12.  
res altius est repetenda. Priore anno  
1408 Pragensis Universitas solemniter  
adiit nationis Bohemicæ domum, quæ  
vocabatur Rosa Nigra: & Joannes Hus-  
sus